



十日論中七

賢信之

白雲寺

齋

秘密曼茶羅十住心論卷第七  
覺心不生住心第七



夫大虛寥廓含万象越一氣巨虛泓澄孕半  
品愛一水誠知一爲百千之母空即假有之  
根假有非有而有有森羅絕空非空而空空  
不住色不異空建諸法而宛然空空不異色

泯諸相而宛然有是故色即是空空即是色  
諸法空空何物不然似永波之不離同金莊  
之不異不一不二之号立二諦四中之稱顯  
觀空性於無得越戱論於八不于時四魔不  
戰面縛三毒不殺自降生死即涅槃更無階  
級煩惱即菩提莫勞耕證雖然無階之階級  
不壞五十二位階級之無階不卑一念成覺  
一念之念經三大而勤自行一道之乘馳三  
駕而勞化他悲唯蘊之迷無性歎他緣之阻  
境智心王自在得本清之水心數客塵息動  
濁之波權實二智證圓覺乎一如真俗兩諦  
得教理乎絕中悟心性之不生知境智之不

異斯乃南宗之綱領也故大日尊告秘密主  
言秘密主殺如是捨無我心主自在覺自心  
本不生何以故秘密主心前後際不可得故  
釋云心主即心王也以不帶有無故心無罣  
碍所爲妙葉隨意能成故云心主自在心王  
自在明即是淨菩提心更作一轉開明倍勝

於前劫也心王猶如池水性本清淨心數淨  
除猶如客塵清淨是故證此性淨時即能自  
覺心本不生何以故心前後際俱不可得故  
譬如大海波浪以從緣起故即是先無後無  
而水性不爾波浪從緣起時水性非是先無  
波浪目緣盡時水性非是後無心王亦復如

是無前後際以前後際故雖復遇境界風隨緣起滅而心性常無生滅覺此心本不生即是漸入阿字門如是無爲生死緣曰生壞寺義如勝慢經寶性佛性論寺中廣明謂本不生者兼明不生不滅不粉不常不一不異不去不來寺三論家舉此八不以爲究竟中道故吉藏法師二諦方言佛性寺章盛談此義今略出綱要謂二諦者蓋是言教之通詮相待之假稱虛寂之妙寶窮中之祿號矣中論云諸佛常依二諦說法一者世諦二者第一義諦故二諦唯是教門不關境理而學者有其巧拙遂有得失之異若有巧慧學此二

諦成無所得無巧慧者學教即成有所得失  
故常途諸師或言含智解或辭スナセ兼聖教同以  
境理爲諦今不同此問中論云諸佛依二諦  
說法涅槃經云隨順衆生故說二諦是何諦  
耶答能依是教諦所依是於諦問於諦爲失  
教諦爲得不答凡夫於爲失如來於爲得聖  
教諦爲得不答凡夫於爲失如來於爲得聖

人於失得失而師云於諦爲失教諦爲得  
者乃是學教成迷本於是通迷學教於別迷  
通迷是本別迷是末本是前迷末是後迷問  
何意開凡聖二於諦耶答示凡聖得失令轉  
凡成聖問於諦爲失者何以言諦耶答論文  
自解諸法性空世間顛倒謂有於世人爲實

名之爲諦。諸賢聖真知顛倒性空於聖人。是  
實名之爲諦。此即二於諦。諸佛依此而說名  
爲教諦耳。問教若爲名諦耶。答有數意。一者  
依實而說。故所說名實是故名諦。二者如來  
誠諦之言。是故名諦。三者說有無教實能表  
道。是故名諦。四者說法實熊利緣。是故名諦。  
五者說不顛倒。是故名諦。與他家二諦有十  
種異。一者理教異。彼明二諦。是理三假。是俗  
四絕。是真。今明二。是教。不二。是理。二者相無  
相異。他家住有無。故是有相。今明有表。不有  
無表。不無不住。有無故。名無相。三者得無得  
異。他家住有無。故有名。有得。今明不佳。有無故。

名無得。云云。他但以有爲世諦。空爲真諦。今  
明。若有若空。皆是世諦。非空非有。始名真諦。  
三者空有爲二。非空有爲不二。二與不二皆  
是世諦。非二非不二。名爲真諦。四者此三種  
二諦。皆是教門說。此三門爲令悟。不三無所  
依得。始名爲理。問前三皆是世諦。不三爲真。

諦答如此。問。若余理。與教何異。答。自有二諦。  
爲教。不二爲理。皆是轉側適緣。無所妨也。問  
何故作此四重二諦。答。對毗曇事理。二諦明  
第一重。空有二諦。對成論師。空有二諦。汝空  
有二諦。是我俗諦。非空非有。方是真諦。故有  
第二重。二諦對大乘師。依他分別。二爲俗諦。

依他無生分別無相不二真實性爲真諦今  
明若二若不二皆是我家俗非二非不二方  
是真諦故有第三重二諦大乘師復言三性  
是俗三無性非安立諦爲真諦故今明汝依  
他分別二真實不二是安立諦非二非不二  
三無性非安立諦皆是我俗言亡慮絕方是  
真諦問若以有無爲教表非有非無理者何  
不以非有非無之教表非有非無理必以有  
無之教表非有非無理耶卷不可以月指月  
應以指指月若利根人應如是說但凡夫著  
有無故以有無表非有非無問若以於諦爲  
衆生說者更增其患何以依二於諦說法耶

答凡夫著有二乘滯空今明如來曰緣有無  
假有假無假有故不有假無故不無云何增  
患云云釋名者若如他釋俗以浮虛爲義真  
以真實爲名世是隔別爲義第一莫過爲首  
此是隨名釋義非是以義釋名若余可謂世  
間法者有字無義今明俗以不俗爲義真以  
不真爲義若具足論之應以非俗非不俗遣  
四句爲俗義但今對他浮虛是俗義今明不  
俗爲義是名出世法者有字有義釋諦義有  
四家云云今明此真俗是如來二種教門能  
表爲名則有二諦若從所表爲名則有一諦  
故非只以審實爲義若二於諦即以審實爲

諱若就目緣教諦即有多義或以誠諦之言  
釋諦此二義表不二之道教必不差建即是  
諦義依名釋諦如是若依義釋諦諦以不諦  
爲義此是堅論若橫論諦以諸法爲義例如  
真俗義中說云云立名者三門分別前辨立  
名次辨絕名後辨釋名初立名者不真不俗  
亦是中道亦名無所有亦名正法亦名無住  
此非真非俗無名今假爲立名此名以無名  
之所立名如提羅波夷真不食油強爲食油  
二諦參余以其真表不真以俗表不俗假言  
真俗以其假言名無得物之功物無應名之  
實淨名經云從無住本立一切法無住即無

卷大品云般若猶如大地出生万物般若正法無住此三眼目之異名云云第二辨絕名常途相傳世諦不絕名引成論文劫初時物未有名聖人立名字如瓶衣等物故世諦不絕名真諦與佛果三師不同究宅云此二皆不絕名真諦有真如實際之名佛果有常樂我淨之名但絕鹿名不絕妙名莊嚴云此二皆絕名佛果出於二諦外是故絕名真諦本來自空三四句絕百非故絕名開善云云云今明一往爲論何爲不得然非理實說今問若劫初物作名詔者以真諦無名假名詔者與真何異又問火名爲當即火離火若使此

火名即火呼火即燒口若使火名離火何故  
不得永耶故知即離體有名若在口中不在  
火上是即火絕名且復從來蛇床席杖母蹄  
絕名復問人是何物人頭手等何意呼人耶  
強爲立名豈非皆絕次難三家云云今明以  
四句辨之一者俱絕二者俱不絕三者真絕  
不絕四者俗絕真不絕言二諦俱絕者仁  
諦皆如奈得皆不絕二諦俱不絕者得是如  
相名爲如來得是二如相所以皆不絕云云  
釋二諦體常解不同云云今意有第三諦彼  
無第三諦彼以理爲諦今以教爲諦彼以二  
諦爲天然之理今明唯一實諦方便說二如

唯一乘方便說三問何處經文中道爲二諦體。答中論云。目緣所生法我說即是空。名爲是假名。亦是中道義。目緣所生法者是俗諦。即是空者是真諦。於是中道義者是體。花嚴經云。一切有無法了達。非有無。涅槃經云。隨順衆生說有二諦。故以教門爲諦。仁王經云。

有諦無諦中道第一義諦故知有第三諦。問教諦爲是。一體爲是異體。答如前言。中道爲體。故是一體。問若言一體者與他家一體何異。答他家之一。支異。定名一。名異。今明初第。一重故作此語。至第二第三第四重不可言。一不可言。異問於諦爲是一體爲是異體。答

初二妄情爲二體。尔終無有兩物。如眼病見空花異空。無花故以一中道爲體。問假有假無爲二諦。非有非無爲中道。答一往開中假義。故假非中。中非假也。究竟而言。假尔是中。故涅槃經云。有無即是。非有非無。尔得中爲般。一切言說皆是假。故問何者是體。假用假柯爲體。中用中耶。參假有假無。是用假。非有非無。是體假。有無。是用中。非有非無。是體中。復言。有無。非有非無。皆是用中。用假。非二非不二。方是體假。體中合。有四假。四中方。是圓假。圓中耳。明中道者。初就八。不明中道。後就二諦。明中道。初中師有三種方言。第一方言。

云所以牒八不在初者欲洗净一切有所得  
心有得之後無不墮此八計中如小乘人言  
謂有解之可生滅之可滅乃至衆生從無明  
流來及本還源故去今入不橫破八迷堅窮  
五句以求被生滅不得故言不生不滅生滅  
既去不生不滅亦生滅非生滅非

不生滅五句自崩又三論玄文云三論亦供  
雖有異而同以無所得正觀爲宗所以然者  
此論破除一切有所得邊病明無依無得不  
二中道故三論破執用異正觀無別故無量  
義經云如水洗穢義同約井池爲異今約用  
不同故辨所宗差別中論以二諦爲宗所以

用二諦爲宗者二諦是佛法根本如來自行  
化他皆由二諦自行由二諦者如瓊裕經佛  
母品明二諦能生佛故二諦是佛母蓋取二  
智爲佛二諦能生二智故以二諦爲母即是  
如來自德圓滿由於二諦化他德由二諦者  
如來有所說法教化衆生常依二諦故中論  
云諸佛依二諦爲衆生說法是化他德由於  
二諦所以知自行化他由於二諦者十二門  
論云以識二諦故則得自利利他及共利即  
其事也以二諦是自行化他之本故申明二  
諦以爲論宗則令一切衆生具得自他二利  
問何人迷二諦論主破迷中二諦耶各有三

種入迷二諦一小乘五百部各執諸法有史  
空性聞畢竟空如刀傷心此入失第一義諦  
然既失第一義諦失世諦所以然者空宛  
然而有故有名空有方是世諦彼既失空亦  
是迷有故失世諦五百部執出如來二諦之  
外二者方廣道入謂一切法如龜毛兔角無

罪福報應此人失世諦然有宛然閒空故空  
名有空既失空有失有空如斯之人失  
二諦又諸外道不失二諦如有見外道迷於  
真諦空見外道迷於世諦又凡夫著有故迷  
諦故用二諦爲宗問何以得知此論以二諦

爲宗。答瓔珞經云。二諦不生不滅乃至不來不去。今論正明八不。故知以二諦爲宗。又青目序論意明。外入失二諦。龍樹爲是。故造此中論。即知破外道迷失。申明二諦。故以二諦爲宗。問既名中論。何以不用中道爲宗。乃以二諦爲宗。答即二諦是中道。既以二諦爲宗。即是中道爲宗。所以然者。還就二諦。以中道故。有世諦中真諦中非真。非俗中道。但今欲名宗兩舉。故中諦平說。故宗舉其諦名。題其中。若以中道爲名。複以中道爲宗者。徂得不二義。失其二義故也。問佛何故明二諦。耶。答欲示佛法。是中道故。以世諦故。不以。

真諦故不常所以立二諦文二慧是三世佛  
法身父母以有第一義故生般若以有世諦  
故生方便具實慧方便故有三世十方佛又  
知第一義是自利知世諦故能利他共知二  
諦則得共利又有二諦故佛語皆實以世諦  
故說有是實真諦故說空是實所以明二諦

次百論破耶申二諦具如破空品未說名應  
以二諦爲宗但今欲與中論乐相開避中論  
以二諦爲宗百論以二智爲宗欲明諦智不  
相成也問百論何故用二智爲宗答提婆與  
外道對面擊揚闡一時權巧智慧但提婆權  
智巧能破邪巧能顯正而實無所破終無所

顯故名實智一論始終明此二智故以二智爲宗中論不與內諍一時權巧但共同學二諍之人諍二諍得失故以二諍爲宗則中論用所申爲宗百論用能申爲宗欲明佛與菩薩能所共相成也次十二門論亦破內迷申明二諍無以二諍爲宗但今欲示三論不用宣以境智爲宗所言境智者論云大分蘊義所謂空也若通達是義則通達大乘具足六波羅密無所執昇大分深義者謂實相之境由實相境發生般若由般若故万行得成則是之義故用境智爲宗問論名中論中有幾種答既稱爲中則非多非一隨義對緣得說

多一所言一中者一道清淨更無二道一道  
者即一中道也所言二中者即約二諦辨中  
謂世諦中真諦中言三中者二諦中及葬真  
非俗中言四中者謂對偏中盡偏中絕待中  
成假中也對偏中者對大小學人斷常偏病  
是故說對偏中也大小學人有斷常偏病則

不成中偏病若盡即名爲中是故經云衆生  
起見凡有二種一斷二常如是二見不名中  
道無常無斲乃名中道故名盡偏中也本對  
偏病是故有中偏病既除中亦不立非中非  
偏爲出處衆生強名爲中謂絕待中也故此  
論云若無有始終中當云荷有經云遠離二

邊不著中道即其事也成假中者有無爲假  
非有非無爲中由非有非無故說有無如此  
之中爲成於假謂成假中所以然者良由  
道未曾有無爲化衆生假說有無故以非有  
無爲中有無爲假也此覺心不生心必有二  
種義一淺略二深秘淺略如前說深秘義云  
下所說真言秘密義是也所謂覺心不生在

心法門是文殊師利菩薩三摩地門大日經  
云時文殊入佛加持神力三昧說自證真言  
曰

百千萬劫不還來可見不可見

因不列口列口口

釋曰。醯醯是呼呂俱摩羅迦是童子。即是呼呂令憶本願。又俱是摧破之義。魔羅是四魔及眷屬。此真言以魔字爲體。即是大空之義。證此大空。權壇一切魔也。毗目乞底鉢。他悉體多解脫道住。請學此童子住於解脫道者。即是諸佛解脫所謂大空。列口之列口之。傳

念憶念。可。先所立願此真言淺略。意云。醯醯童子住解脫道者。憶念本所立願。一切諸佛法身成佛入身口意秘密之體。一切有心無能及者。然憶本願故以自在之力。還於生死救度衆生大意如此。此童子久已法身成佛。故請其以憶本願而度衆生。由請。

菩薩本願若有見聞觸知憶念我者皆於諸  
乘而得畢定乃至滿一切願此菩薩久已成  
佛所謂普見如來或云普現如來以大悲加  
持力示童子身顯義如是深秘義引一字  
爲躰是大空義大空則大自在大自在則大  
我大我能證大空大我於一切法無著無得  
是則如來智慧若得平等慧者於一切法都  
絕戱論是故亦名無戱論如來故金剛頂經  
云時薄伽梵一切無戱論如來復說轉字輪  
般若理趣釋經云是則文殊師利菩薩之異  
名轉字輪者是五字輪三摩地所謂諸法空  
與無自性相應故者金剛界曼茶羅中金剛

利菩薩三摩地諸法無相與無相性相應故  
者是降三世曼荼羅中忿怒金剛利三摩地  
諸法無願與無願性相應故者是遍調伏曼  
荼羅中蓮花利三摩地諸法光明般若波羅  
密多清淨故者一切義成就曼荼羅中寶利  
菩薩三摩地云云所謂空無相無願是三解

脫門大般若華顯諸空無相華經皆是文殊  
師利菩薩三摩地法曼荼羅故六波羅密經  
云令文殊師利菩薩受持所說般若藏龍樹  
菩薩依此般若藏作中觀十二門論示三解  
脫中道正觀龍樹菩薩弟子提婆菩薩作百  
論破二乘外道等執無著菩薩造順中論世

親菩薩作百論釋清辨菩薩造中論釋此名  
般若燈論護法菩薩造廣百論釋唐三藏玄  
奘法師譯傳大唐秦姚興時鳩摩羅什三藏  
譯青目所作中觀釋爲四卷吉藏法師依中  
百十二三論廣造章疏盛傳三解脫門入唐  
學生智藏道慈法師莘受學傳此間是名三  
論宗是此名人則文殊師利菩薩約法曰大  
般若波羅蜜多經如此經論等所詮無量教  
義等悉攝文殊一才字真言盡若觀誦此  
一字則證大空三昧等同文殊菩薩證此大  
空慧時能知一切諸法本來不生不滅不  
不常不一不異不去不來等中論初說八不

良有以也。是大慧。不是大日尊。万德之一也。  
故善無畏三藏云。文殊師利者。是大日如來。  
智慧不離大日如來。別有慧。云云。

秘密漫荼羅十住心論卷第七

爲證彼三身方德之妙果。

止開此十住第七之印板矣。

建長七年正月日

金剛峯寺法弁

110X  
2  
9